

Հայերը, փոշիների միջից, Ֆէսերը դուրս են հանել:

* * *

Ստամբուլը, ցորեկը խորհրդաւոր լռութիւն է պահում, գիշերը աղմկում է:

Պերայի սրճարանների պատերի տակ երկիւղը քարշ է գալիս:

Պոռնիկները փսխում են իրենց քաղաքական համոզումները:

Լրագիրների խմբագիրները պատրաստում են իրենց փախուստը, վերջին սպանալից առաջնորդողներ գրելով:

Հայաստանի կառավարութիւնը Արարատի կատարին Ֆէս է տնկել: Հայոց պատրիարքը, սենեակի մէջ անհանդիստ ման է գալիս եւ իր համբիշները կրծում:

Փողոցներում խումբ խումբ մարդիկ շուտաւարձ երկիրն են նայում: Սանտեթպանները չընչին գնով ապրանքներ են ծախում: Ամէն ինչ վազում է կամ սողոսկում:

Տներից ներս, սրտերը պատերին են դարնում եւ զլայնացած ձեռքեր անտուկների խորքից արծաթէ դգալների եւ մաշուած թղթադրամների կապոցներ պատրաստում:

Արջի թաթը զարնուել է դպրոցների փեթակին: Աշակերտները երկրաչափական գրքերի մէջ անյայտ կէտեր են որոնում, իսկ աշակերտուհիները ստամոքսի ցաւ են դգում:

Պէյլերի պարտէզում օպերետային խումբը, սրտի խորքից, ճակատագրի ճիրաններին ծիծաղ է մատուցում: Տեսարանը չվերջացած, հեռուից թուրք ամբոխի մօտեցող ոռնոցն է լսում: Ժողովուրդը փախչում է. իսկ դերասանները, հեռաւոր փողոցների անկիւններում կուչ եկած, խաւարին իրենց պատուած սիրտն են երկարում:

Գիշերը, ամէն ոք կտտորածի է սպասում:

Նստում ենք, ատրճանակները սեղանի վրայ չարած: Ականջը ռադիօի բարձրախօսի նրման ամէն ինչ մեծցնում է: Շշուկները հաստատուն ոտնաքայլի հանգամանք են առնում: Սաւարը ման է գալիս:

Լուսարացին արեւը նայում է դեղնած դէմքերին: Առայժմ ամէն մարդ ողջ է:

Գեսպանատուների առջեւ, անցադրերը հեռաւոր երկիրների դռներն են զարնում: Կորոնթոսը բաց է, Մարիցան փշրել է իր կա-

մուրջը, Պուանկարէն հաշուած է գերմանացիների փողերը:

Սուլթանը վատ նախազգացումներ ունի՝ հաշիշ է առնում եւ դադտնի բանակցութիւններ վարում: Ջինուած մարդիկ Դարդանելից անցնում են Թրակիա եւ, արեւելեան ճեպընթացի ուշացման պատճառով, Թօքաթլեանի Փարիզում ապստրած անուշը հոտել է:

Վոսֆորի առջեւ նաւերը դեռ կանգ են առնում, բայց Սեւ ծով վախում են անցնել:

Պոլիսը չի ընդունում գաղթականներին:

Մարդկային էակներով եւ իրեղէններով լեցուած առազաստանաւերը մուրացկանների նման կանգ են առնում դանազան երկիրների ափերին եւ անիծելով հեռանում:

Թուրք ամբոխը, այլեւս կտտաղած, Պերայի փողոցներում ցոյցեր է անում, պատուհաններ եւ մարդ ջարդում:

Սկովտիացիները, միշտ մերկ գիստերով, դօրանցք են անում, յուզարկաւորական նայուածքների առջեւ:

Սորհրդային՝ Հայաստանի դրասենեակը սովետական դրօշ է բարձրացրել: Սաւեարի գինը ընկել է:

Պատրիարքարանը դիմումներ է անում՝ սակարկում են, թէպէտ բորսան վաղուց փակուել է: Անգլիական դեսպանատան առաջին քարտուղարը առանձնացել է պատրիարքի հետ եօթը եւ կէս ըոպէ: Թերթերը յոյս են առել:

Ալգային իշխանութիւնները տակն ու վրայ են՝ չվճարած տուրքերն են պահանջում եւ անցադրի դրամ:

Սկիւտացիները իջել են եւրոպական ափը: Եղիա Տէմիրճիպաչեանի կախուած գլուխը սարսափով նայում է ամայացած գիւղին:

Նաւերի սուլոցը տունները ցնցում է:

Վոսֆորի մակոյկների վրայ սրտեր են օրօրում:

Մարդիկ թաւալում են դէպի Գալաթա եւ շուտաւարձ յետ փախչում: Կայարանը մղկիթի է վերածուել՝ ամէն մարդ աղօթում է:

Հազարաւոր քարտէսների վրայ մտահոգ աչքեր պատսպարուելու վայր են փնտրում: Նաւային ընկերութիւնները ուրախ են եւ նաւաստիները փողերի առեւտուր են անում:

Գնում եմ Հայաստան:

(Շարունակելի)